

光緒三十三年五月

10500
539.1
01

朝城縣鄉土志輯稿

朝城縣鄉土志

歷史

本境名朝城始於唐開元十年漢置東武陽秦漢以前是何地名不見史傳降至後世名之或沿或革為郡為縣與夫統隸何州代各不同謹詳列之

唐虞屬兗州地

夏屬兗州

商屬王畿地

周初為衛地

春秋齊魯衛界地

戰國為魏地

秦屬東郡

漢置東武陽屬東郡兗州部新莽易名武昌
曹魏屬陽平郡

晉置陽平郡屬司州部

南宋置陽平郡屬兗州部

北魏置陽平郡後為武陽郡復屬司州部

後齊郡廢



後周復置屬魏郡

隋屬莘州後屬魏州大業初州廢置武陽郡屬兗州

部

唐貞觀十七年省入臨黃莘縣永昌元年復置武聖

縣開元十年改為朝城元和中屬澶州後屬魏州

天祐三年改武陽尋復為朝城屬魏州河北道

五代時為朝城

宋屬開德府統於河東東路

金屬大名府大名路

元屬濮州統於山東東西道東昌路總管府

明屬東昌府濮州統於山東布政司

國朝因之雍正十三年改屬曹州府

朝城縣鄉土志

政績錄

漢

臧洪字子容廣陵射陽人靈帝時為東郡太守治武陽初為張超功曹洪說超舉兵誅董卓與諸牧守會於酸棗設壇為盟將盟無敢先登者洪乃登壇慷慨言曰賊臣卓禍加至尊今會義兵共赴國難有渝此盟俾墮其命聞者激揚袁紹表為東郡太守時曹操圍張超於雍邱洪聞之將赴其難自慮寡弱從紹請兵紹不聽未

幾雍邱陷洪怒絕不與通紹興兵圍之歷年不下使洪邑人陳琳以書示洪洪答書讓之紹知洪無降意增兵急攻城陷被執紹會諸將見洪謂曰今日服未公據地瞋目曰惜洪力為不能推及為天下報讐何為服乎答書詳三國志祀名宦陳容臧洪同邑人隨洪為東郡丞城未陷時洪使歸袁紹及洪被執時容在座責紹殺洪紹慚怒復殺容事見三國志祀名宦

隋

張允濟青州北海人為武陽令教化大行道不拾遺有人夜

發遺袍行十餘里始寤人語之曰可還取之果得袍又元武民有以特牛依婦家者孳拾餘犢而不還訟縣不能決乃詣允濟允濟令左右縛民蒙其首過婦家云捕盜牛者令盡出牛質所從來婦家不知遽曰此婿家牛遂斷牛還婿

宋

田諒青州人慶曆壬午以著作郎知縣事時值兵興大河以北賦調紛急諒乃盡心撫字邑無流亡

明

郭黼洛陽人監生洪武初知縣事徙建縣治尤多惠政百姓安之

徐有德陝西靜甯人監生正德五年為朝城縣丞體統魁梧有大畧時河南盜起所至殘破有德大修守具令近城民庶悉移城中清野以待寇數至攻城不下退無所得及大兵至縱兵擊之殺獲幾盡

楊昱福建人舉人嘉靖十三年知縣事愛民勤政每遇疑獄輒予輕比利弊所在慮壅於聞乃作一甌鎖閉封識止留一孔置於衙前令士民密書以納月一開焉視其所陳利害而興革之左希顏江西星子人嘉靖二十一年知縣事為政嚴明深諳民情初馬政淆亂吏胥因緣為奸希顏嚴定規則俾勞逸

皆均牧人稱便郡司嘉其能下其法於各屬又兩稅徵科書吏舞弊輕重不等希顏為平準之法弊端悉絕

楊天民山西太平人進士萬歷十八年知縣事下車問民疾苦興利除害出民湯火前案之壅滯者一一斷結置社倉平賦役均出納有古循吏風公餘進諸生講說經義旁及百家士習因之丕變後擢吏科給事中朝民為立去思碑

祀名宦

彭宗孟浙江鹽海人進士萬歷三十年知縣事嘗曰小民樂生闕之縣令也因約已裕民去額外之賦罷不急之工時有

督濬河之役多方區處夫餉不煩民間初驛站多侵漁費不貲宗孟痛革之小民控訴不用差役即令其人自行傳案民免需索清廉之節始終如一民為建生祠祀名宦鄭人懌北直沙河人舉人崇禎十四年知縣事渠賊馮培蘭等劫奪鄉里人懌以計擒之人稱快焉後遭土寇城破殉難

趙應昌山西太平人歲貢崇禎十六年知縣事夙抱膽畧手擒大寇宋玉等及闖賊偽檄招降不屈而去

我朝崇尚吏治慎選守令康雍嘉道號稱盛世官本境者必多政績卓著之賢員惜縣志失修故老皆盡無從稽考其可得而述者僅在近時焉邱晉直隸寶坻人副貢順治十七年知縣事聽訟明允欽恤為心有告隱地畝者得實但令起科餘無所問政簡刑清吏胥斂手在任九載始終如一以憂去民為立去思碑

劉大紳里籍不詳乾隆間任以廉惠稱有劉青天之目朝之漕米舊多浮收大紳至時值開徵乃親詣水次使民自量自概積弊以去聽訟一問輒結鄉民感德每大紳初度父老爭攜瓜果躋堂介祝去官之後人思之曰安得使君如劉青天者乎

胡聯奎山西交城人進士咸豐六年知縣事時盜風日熾四境被搶者層見迭出聯奎到任聯保伍選捕壯懸重賞盜遂斂踪聽訟明決日坐堂皇奸民不敢輕試每逢水旱偏災下鄉勘驗必躬必親性極嚴正請託不行當時有閩羅邑老之目

董涵字子美漢軍旗人副貢咸豐十年知縣事愛

民如子善政林立十一年春莘冠等縣教匪大起三月十六日匪首張玉懷率眾攻城城故不完旋即失陷涵督役巷戰力竭自刎賊斷其首懸之西門屍身委棄城外范令夜遣壯士奔身至范以棺盛殮首亦為鄉民孟某竊去用盆掩埋其年八月涵弟自范起柩路經朝城孟某以埋首告啟盆而視面仍如生觀者驚異遂開棺合殮焉扶柩北上之夕士民哭送十餘里初涵聞賊警幕友王某謂城難守勸涵遁免涵正色而言曰城亾與亾吾之分也何遁為

權汝欽江蘇銅山人同治二年知縣事邑舊有飛沙數百頃春夏遇風青苗被壓顆粒不獲仍完糧賦有其地者甚以為病汝欽履畝勘實稟請 奏免朝人至今感戴

姚觀炯直隸青城人舉人光緒四年四月署縣事自春迄後五月猶復亢旱不雨野無青草城東南黠民聚眾向富戶索糧名曰均糧觀炯曰此亂機也漸不可長捕得為首者立置之法然黠民仍有思亂之心在安佳寺糾集夥黨數百觀炯聞之寅夜帶兵

往勦出其不意至皆駭散論者謂非觀峒勇敢則亂成矣旋以憂去至今人猶追思不置

陳佐平安徽宿遷人舉人光緒五年權朝城事斷獄如神案無留牘濬河渠興學校邑人至今誦之

黃葆年江蘇泰州人進士光緒十七年署朝城下車以來愛民訓士孜孜不倦朝地污下每逢秋潦漳河水溢西北村莊受害甚鉅葆年派夫濬深舊渠道之俾東北入運自是朝無水患十八年歲歉葆年稟請賑濟窮黎賴以全活城垣久圯不足資保障葆年籌成巨款

修築一新四圍徧植楊柳今已二十餘年樹皆合抱邑人目為甘棠之遺

朝城縣鄉土志

耆舊錄

漢

謝弼字輔宣靈帝建寧二年以對策除郎中時青蛇見前殿大風拔木弼上封事痛陳災變後去官家居中常侍曹節從子紹為東郡太守弼以罪死獄中初平二年司隸校尉趙謙訟弼始收斬紹祀鄉賢

後魏

路恃慶有幹才相州刺史表薦之太和中除奉朝請恃

慶以從兄文舉才望因推讓之高祖遂並拜焉祀鄉賢

隋

田真與弟慶廣同居諸婦欲分異家有紫荆樹一株甚茂兄弟議破分為三一夕樹枯真驚謂弟曰木本同株是人不如樹也兄弟感而更合諸婦聞之亦無間言明日紫荆復榮

宋

譚廷美周世宗鎮壇淵募置帳下從征淮南以勞授控鶴軍副指揮使宋太宗即位王端冠朗州廷美率兵赴

之敗其衆擒端以還摧鐵騎指揮使領睦州刺史

明

楚樟警敏過人淹該經史洪武間以明經舉任本縣訓導儀矩嚴飭士人多所觀法後徵為詹事府丞著有四書說約

王禮歷官御史幼喪父事母曲盡其孝食必具酒肉必待母饌然後適口母病禮侍湯藥必先嘗及母卒哀毀逾禮水漿不入口者數日晝夜悲號不絕廬墓三年事聞旌表詔復其徭

魏元字景善天順元年進士授禮科給事中時萬貴妃兄弟驕橫元疏劾之慈懿太后崩議欲別葬元率同官亢章極諫竟得如禮其年九月慧星見又率諸給事上言痛陳時弊皆見明史累遷都給事中出為福建右參政巡視海道嚴禁越海私販巨商以重金賂元怒叱之母卒哀毀廬墓三年祀鄉賢

謝綬字朝舉成化進士初令任邱興利除弊民大悅三載擢留臺御史守備蔣琮恣肆綬以不法劾之下吏出按山西都督李翊剝削士卒公列其罪羣吏震懾復按兩浙

歲飢民多流徙方造進用羅綺費巨萬綬奏罷之武宗
即位逆瑾擅權招通賄賂綬無所曾且與抗禮瑾銜之
瑾誅召為大理寺卿多所平反以都御史巡撫山西簡稽
軍實黜逐貪暴威聲遠震以勞瘁卒於官祀鄉賢

江東字伯陽嘉靖乙丑進士為山西巡撫獲火金巨萬入告
濟邊擢兵部左侍郎陞工部尚書倭亂江南廷推東文
武才改兵部尚書奉詔討平因陳防海八事戊午山西右
衛被圍世宗選主容兵七萬以東往援圍遂解捷聞加東
太子太保通州告急世宗震驚聞東勤王至喜曰朕無憂
矣詔督六鎮援兵京師解嚴上偉東勛召見面勞賜匾
曰攸奠邦本卒謚恭襄祀鄉賢

李繼宗嘉靖辛丑進士授刑部主事歷官陝西按察司
僉事區處芻餉調度戰守悉合機宜疆宇賴之兵民為
立生祠初繼宗未達時有王誼者惠之登第後誼子貧甚
繼宗為置田三百畝報之祀鄉賢

吳中傳號巽菴萬厯甲戌進士任西安府推官斷獄明允升
戶部主事管理通州倉一切刁需之弊釐革殆盡督蘇州
兵儲羨金千餘悉報部參政楚藩旋轉陝西按察使按

部辨明冤枉勸善懲惡調雲南廉憲振綱肅紀問民俗
祛吏弊奸豪慄慄有神明之稱巡撫首薦於朝未及大用
而卒祀鄉賢

陳贊化字金鉉性孝友登天啟壬戌科進士筮仕太湖多異
政調桐城值魏璫籍都憲左光斗家時璫熖方盛羣僚獻
媚贊化獨毅然為左調護懷宗即位欽取入京授刑科給
事中秉道疾邪風節益峻周延儒為相方膺寵眷招權
納賄贊化上疏劾之疏載明史由是直聲動中外歷官左副
都御史以勞瘁嘔血假歸調養卒於途祀鄉賢

史蘭邑庠生性至孝居父喪廬於墓側日惟白糜一餐
以土與築墳日課五輿朝夕伏墓哀號久之瘠毀骨立猶
鹽豉不入口見者無不感動年餘疾作而卒

張坦性至孝父炳有痼疾坦侍湯藥日不離側三十年無怠
志當道屢以孝行旌壬午闔閭有回祿之災獨坦室不焚
僉謂孝感所致以歲貢任滑縣教諭

吳同芳庠生性傳之子性至孝父獲痰疾芳捧湯藥滌溺器
刷穢席厯數年不倦及病危芳焚香禱祝願以身代父病
遂愈咸以為至誠所感大府表其里為孝子里歲給穀三石

岳爾高邑廩生慷慨有氣節崇禎十六年賊攻城城陷與長男中瑾俱殉難妻孟氏聞變嘆曰夫亡矣將安歸遂偕家婦呂氏及三女皆投井死

徐宗正父早逝事母至孝以歲貢授高邱縣主簿修河有功陞西平府丞以母老還鄉終養適境內遭蝗食稼殆盡獨宗正禾無損人謂孝感所致祀鄉賢

邵璋嘉靖庚子舉人周歲喪母及髻謁墓痛哭倒地事繼母如所生父八十病痢甚璋卧床下一夕數十起手捧溺器洗滌穢汙盛夏弗輟嘗矢苦喜曰父無恙也尋愈後五年卒提學匾其門曰純孝里

江世茂恭襄之孫時值歲饑散所積粟數千石以濟餓者人皆感之世茂自謂義分當然無德色

王以遜邑庠生父增生九德病痿母羅氏病瘡以遜偕妻馬氏親侍湯藥洗拭膿血晝夜無倦色及親卒哀毀柴立分居讓產於弟有薛邑之風按臺以入孝出弟匾其門

國朝

孟兆熊順治辛卯舉人性孝友生平多大節士林則之深於麟經著有春秋題說

吳汝昌字致亭嘉慶丁卯舉人性恢豁好施予歷
署陝西韓城南鄭等縣補郿縣知縣洊升甯羗州所
至有惠政應得廉俸悉以濟人邑之鰥寡孤獨無所
歸者莫不優恤之故人皆呼曰吳青天卒於任所廿餘
年後子峽山以事過甯邸旅知為汝昌子概不取值
馬克印居家孝友數世同居家素封好施予以致家中
落聞於太守匾其門曰孝友任恤

賈泰臨字德昌邑增生性孝友有志節家貧樂道研
究經史採取經義著四書句解

梁萬書城北妹塚人幼孤貧種菜為生力勤守約中
年致富仗義疎財凡貧苦親鄰有求必應每至年
終度其左右村人有不能度歲者不待來求酌量
往遺至老不變遠近有梁善人之目

夏仁辰夏莊人性孝謹父早故事母四十餘年母
敢少違同治元年群寇犯境仁辰負母逃避母猝
邁疾醫藥罔效呼天乞以身代母疾尋愈

李耀彩全莊人家赤貧無衣食業事母極孝母遇疾
甘旨無從得剪髮易食物委曲承歡遠近稱為孝子

孔廣松武生居城西孔家莊性慷慨好施予排難解紛為鄉里所推道光二十七年盜賊入境志力拒守縣境以安聞鄰村被劫親率團丁急追奪回車輛牛馬俱還失主嘗與賊戰身中鉛丸者四氣愈奮邑令壯之上其事於府太守李天錫贈以匾額鄉里榮之

王步衢邑庠生同治五年教匪張躋堂率賊數千人攻舍利寺步衢率隊守圩圩陷祖母與父被圍急往救護曰請速殺我無傷二老人遂皆遇害

閔克順武生舍利寺圩破克順率眾接戰見父被戕奮不顧身闖入賊隊手刃十餘人力竭被執比死罵不絕口馬岐山邑庠生居城北仁四里之張魯集成豐十一年三月十七日教匪陷城岐山聯合鄉眾築圩禦賊後賊攻圩竭力固守圩得保全莘縣延營從正為各賊首領築堡自衛十月間大帥勝保督兵來勦岐山請為前鋒傾其巢穴殺獲無算臬司丁寶楨知岐山勇敢檄召隨營勦賊屢立戰伐以功保府經歷分發江蘇

郭紹泰字靜齋城西郭爐人光緒乙酉科藍翎侍衛初官粵西梧州營中軍都司繼調署興甯營忠義

奮發每誦伏波馬革裹尸之言以自勵兩勦會匪皆一鼓
盪平以功升遊擊署粵東清遠營遊擊公出暴卒鄉
人聞之皆為扼腕紹泰少孤事母曲盡色養以賴胞叔
癸元成立事之如父友愛羣從尤逾尋常又以胞叔癸
元食指繁多分產倍予之親鄰貧者亦蒙恩施

附節烈婦女

明

郭氏熊璋妻年二十餘夫亡遺孤僅二歲氏堅意撫恤
貞白自矢卒後有芝生於柩上素光掩映異香滿室

邑令親詣審視請於臺省優恤建坊迄今子孫繁衍
為邑望族

廩生岳鎮女適孟澤洙甫四月澤洙亡氏撫屍哀號誓
不欲生家人日夜守護氏痛哭不已數月後卒以身殉
遠近聞之皆嘆息泣下

國朝

孫氏鄭山根妻家赤貧祖姑老而瞽恃姑縫紉為養
氏至代其勞勤苦備至逾歲夫亡氏二十歲矢志靡他
父某以氏年少無恒產諭令改適不聽逼之遂自詣夫

墓痛哭歸即自經

烈女城北張乙屯監生張鶴林之女十六歲未字人同治七年捻匪由陝竄東張乙屯適當其衝圩破獲女豔之虜繫馬上求死不得適路側有井羣賊汲水飲馬女給言口渴賊信之聽女下飲遂投井而死

邵氏張寨劉

之妻夫早逝遺一子一女時土匪騷擾

沿村婦女多被搶掠氏恐見污送其子於他所與女並縊

孫氏沙村孫誠倫之女年十七字於餘糧海劉君平

之子劉克成將于歸而克成亡女聞奔喪母不能禁因偕往女詣柩哀號不已母勸歸女曰此即家也將焉歸遂留事翁姑恪執婦道守節終身

朝城縣鄉土志

兵事錄

前代遠不能詳自入

國朝以迄中業本境均無兵事至咸同間始有之謹紀於後
咸豐四年金陵洪逆以先遣北犯李開芳諸賊為僧忠親
王困於阜城二月遣黃生才曾立昌等率賊數萬北援阜
賊三月初二日臨陽穀趨莘縣又自莘趨冠縣遂犯本境
之張魯集一帶多所殺戮兼虜人民至臨清經都統勝
保擊敗折回南奔復犯本境之王奉大場大受其害

黃生才臨陽穀之夕土匪李兆燕糾黨數百人冒粵賊臨
城殺知縣任騰蛟放獄囚焚公廨城中劫掠一空當即解散
越數日濟甯州知州黃良楷帶兵來朝彈壓緝獲兆燕
凌遲處死

咸豐十一年二月間莘冠等縣教匪蠶起作亂時匪旗幟
分五色黃旗張玉懷白旗程順書黑旗宋景詩綠旗楊朋
嶺紅旗延掄秀莘冠等鄰縣皆失三月十七日黃旗張玉
懷率眾攻城城久圯不能守殺知縣董涵城民被殺者百
餘人自城陷後數月無兵至各旗匪此往彼來則民間供

億稍不如意即行殺戮至六月大兵進勦或竄或降本境始無匪踪

八月官兵攻竹口踞賊教匪數千人來援官兵遇之追殺至近城之岳莊而回賊尸相望

十一月間捻匪劉占考盤踞范縣劫掠鄉村名曰打糧本境大受蹂躪十四日將軍國瑞統帶吉江馬隊並翁蔡李三營步兵分駐城內外十六日分軍進攻炮摧其城樓凡攻二日賊窮蹙投降地方肅清國帥拔營南下

十年八月秋各旗匪就撫復叛號曰降衆同治元年正月降衆楊朋嶺張錫珠張玉懷等大肆焚掠都統伊綿阿由本境大場追勦忽退避小灘由是玉懷錫珠朋嶺合股犯本境之王奉集大王寨所過焚屠如洗團長孔昭著率團禦之昭著陣亡團衆死傷千人以上

二月初二日降衆程順書等復犯本境之樂家屯畢家屯張魯集匝地烽烟初六日攻圍城東南之舍利寺圩破屠男女數千人初邑人張躋堂與舍利寺團長邵翼之有讐言至是引匪誓破之燔掠特酷又分股犯濮壽之境大股攻城知縣王培楨百計固守城不得陷

二年八月降衆黑旗宋景詩自陝西叛歸屯聚堂邑甘管
屯僧親王破之竄入本境之柿子園漫延西北楊莊韓莊岳
莊僧軍追勦遂南奔觀境

六年九月擒匪張總愚自陝西由豫境趨入本境之畢家屯一
帶沿途殺人到處焚掠破山家堂圩殺廩生吳芹英王獻典
等百餘人幸大兵尾追一宿即奔莘境

朝城縣鄉土志

人類

本境漢戶外祇有回民無番畬苗等種

回

回人相傳自唐貞觀年入中國本境之回人多聚居城內北街關廟與城西北四十五里之張魯集他村亦有之皆零星小戶其係真阿刺伯人與否年湮代遠彼族亦不能詳風俗不食犬豕不與漢戶通婚崇尚謨罕默德教名曰清真教有經三十卷名曰古爾阿尼經有寺名曰禮拜寺主教者

曰阿訶每七日共詣寺禮拜曰主嘛不祭祀追遠則請阿訶同跪墓前曰走墳不論小建閏月以三百六十日為一年曰大節其戶口數開列於左

本城

北街一百一十二戶

人二百三十餘口

西街五十七戶

人八十餘口

北門外十四戶

人二十餘口

西門外二戶

人二口

宋海二戶

人八九口

陳莊二戶

人四五十口

陳堂二戶

人十餘口

馬廠五戶

人八九口

謝集十戶

人二十餘口

桃園八戶

人二十餘口

八里鋪五戶

人十餘口

栗海二十五戶

人三十餘口

謝爐五戶

人十餘口

石莊三戶

人三四口

張魯六百六十五戶

人九百餘口

朝城縣鄉土志

戶口

本縣共分十七里共五百五十二庄按最近調查之數共二萬
六千餘戶大小男女共一十五萬一千餘口

朝城縣鄉土志

氏族

本境大姓曰孫曰謝曰吳曰江曰岳曰孟曰賈曰魏八姓在前明皆
簪纓世繼入

國朝子姓繁衍散居城鄉甲於他族

孫姓土著受氏未詳

謝姓明洪武初自山西長子遷至今二十代以謝國受氏

吳姓洪武初自山西洪洞遷至今二十代以吳國受氏

江姓原籍浙江遂安明天順間江原旻任朝城教諭因家焉

至今十六代受氏未詳

岳姓洪武初自山西平陽遷至今十七代以唐四岳受氏

孟姓亞聖裔明自鄒縣遷至今十八代因魯孟孫受氏

賈姓洪武四年遷至今二十一代因春秋賈國受氏

魏姓自江西武昌遷至今十九代受氏未詳

朝城縣鄉土志

宗教

本境祇有回教天主教無耶穌教與喇嘛教黃教紅教入回教者亦無旗漢人

回教

詳人類

天主教

本城德國教堂一處房屋十間

秋五里程路口德國教堂一處房屋十間

沙四里田海德國教堂一處房屋五間

在二里陳莊德國教堂一處房屋二間

共有教民六十餘戶三十二年新設教堂一處在沙一

里李台莊計最近調查之數縣境教民約共有三百人

朝城縣鄉土志

實業

士

在學女生共^見存^見免^見武生^見存^見及^見平^見名^見新^見波^見城^見鄉^見名^見存^見堂^見
學生共^見存^見免^見武生^見存^見及^見平^見名^見新^見波^見城^見鄉^見名^見存^見堂^見

農

除士工商外人盡業農

工

本境無美術家尋常攻金攻木之^工約^工口^工百^工餘^工名^工

商

近年赴吉林哈爾濱工作共約二百餘名

商

城鄉銀小雜貨茶店舖共有一百九十三家約有

商人一千五百餘名

朝城縣鄉土志

地理

本境在省城之西南至省三百六十里在府城之北至府一百八十里
東界陽穀壽張東南界范縣西南界觀城西分界直隸南樂元
城西北界冠縣正北東北界莘縣

本境分為十七里

秋五里在城北距城十八里北界莘縣南境東界陽穀西北境西
界東三秋四南界城北門在一

在一里在城東北距城十里北界秋五東界陽穀西境西界城東門
南界在二

在二里在城東南距城二十里北界在一東界沙一南界沙三沙四
西界縣城沙四

沙一里在城東南距城三十里東北界陽穀西南境東南界壽張西
北境南界范縣北境西界在二沙三東南界黃河金堤

沙三里在城東南距城二十五里北界在二東界沙一南界范縣北
境西界沙四

沙四里在城南距城二十五里東北界在二東界沙三南界觀城
東境西南界觀城東境西北界沙五

沙五里在城西南距城二十里東南界沙四東北界秋五南界
觀城東境西界沙六北界秋四

沙六里在城西南距城三十五里東界沙五南界觀城北境
西界南樂東境北界秋三

秋三里在城西距城二十五里東界縣城南界沙五西南界沙六
西界南樂東境北界秋四

秋四里在城西北距城二十里東北界東二西北界東三西南界
秋一東南界秋三

秋一里在城西北距城二十五里東北界秋四東南界秋四西南界
南樂東北境西北界元城東境

東二里在城西北距城二十里北界莘縣西南境東南界秋五西
南界秋四西北界秋三

東三里在城西北距城三十五里東北界莘縣西南境東南界東
二南界秋四西南界秋一西界元城東境西北界仁四

仁四里在城西北距城四十五里東界莘縣西北境東南界東三
西界元城東北境北界仁三

仁三里在城西北距城七十里東界莘縣西北境北界冠縣南境
南界仁四西界仁二

仁二里在城西北距城八十里東界仁三南界元城東北境西界元城東北境北界仁一

仁一里在城西北距城九十里東北界冠縣西南境南界仁二西界元城東北境

城內分四區東南區有舊縣址咸豐四年燬於土寇文廟關帝廟城隍廟

馬神廟文昌閣武魁樓呂祖閣僧忠親王廟南門裏有進士

坊二一為王察言立一為魏元立南門外有步雲橋在城濠上齊桓公朝諸侯處碑

二賢祠祀漢東郡太守臧洪與邵丞陳容大神廟泰山廟西南區有甯國寺峻塔石

燕井寶塔朝烟石燕飛兩為邑八景之二八蜡廟西門裏有真武廟西門外有秋波

橋在城濠上節孝坊為輩學詩之妻氏立流通橋近城西南地最下每盛夏大雨水由此北流入溝渠西北區

有龍王廟北門裏有禮拜寺回人所建誥勅重光坊為岳電立北門外

有拱宸橋在城濠上北極廟三皇廟東北區有丹霄觀丹霄夜月為邑八景之一山

西會館地極宏敞高等小學堂初等小學堂○○○學堂東門裏

有碧霞元君廟節孝坊為英方西之妻楊氏立東門外有春澤橋在城濠上東

嶽廟農神廟

壇

社稷壇在西門外迤北

風雲雷雨山川壇在南門外迤西

邑厲壇 在北門外迤東

秋五里樂家屯有市集八里鋪有橋許昌塋有太山廟

在一里陳莊有市集

在二里南臺有深水橋 橋側有釣魚灘按續志穆天子東征釣於深即此 江樓有橋

沙一里李臺有市集 陽壽朝三縣交界 有初等小學堂

沙三里舍利寺有集市有佛寺 寺前有塔高十餘丈 虞鋪 武水發源處西岸有唐莊

宗駐軍於此

沙四里王省莊有橋 引河起處 曾橋有橋柿子園有集市張大

廟有古刹八里鋪有集市

沙五里姚廟有大梵寺奶奶廟有大廟 規模宏敞 呂村有大廟

後呂村有齊王廟秦廟有東嶽廟王山有小土阜孟莊有會

朝臺 至今土阜猶在按廣輿記春秋齊桓公率諸侯朝周會於此 有漢臧太守墓 在孟莊迤北臧陵畚浪為邑八景之一

沙六里韓莊店舊縣 按舊志明洪武五年城圯於水因移徙焉 馬集有集市 界南

秋二里秋源寺有文廟王樓有文昌閣左莊有華陀廟五

里堠有菩薩堂

秋四里孔莊有泰山廟草屋寺有廟

秋一里劉羨有集市

東二里歇馬廟有泰山廟妹塚集有集市 古武陽郡 新店集有集

市有橋

東三里畢屯有集市有橋小韓張有集市

仁四里張魯集有集市有文昌閣有初等小學堂

仁三里大王寨有集市有初等小學堂前有觀上有老君廟

苗頭有田氏祠

祀隋田真及弟慶廣
有石碣曰紫荆故里

仁二里王奉集有集市

朝城縣鄉土志

水

本境平行之地向無山阜舊有三水俱皆涸塞茲將涸塞之水列後

馬頰河自大名開州過本境經高唐清平至樂陵入海

潞水舊志源在本境城西南按水經注源在頓邱出東武陽

東武陽即

本境由陽穀博平經清平西山潞川達於高唐東北流至千乘入海武水在城北發源於本境虞家鋪東南一里滌洄而西至董村口復滙而東經韓張店南至聊城界東北流至青武陽溝又過東武

入海

本境人力所通之溝有二名曰引河一自城南劉墩起經于鋪遞至王槐莊過陽穀界一自城西南王店起經許海畢家屯同入莘境滙為一平時無水每逢盛夏大雨水漲貫入溝中由莘流注運河

朝城縣鄉土志

物產製造

本境不濱山河地不出礦物既無特產之物類亦無特別之製造其物產製造皆屬常品畧列於左

動物產

有牛馬騾驢羊猪犬貓獾狐貉狸鼬鼬俗名兔鼠

有鷄鵝鴨鵲鳩鴉鶴鷓鴣雁雀鴿鷓鴣啄木鷓鷯燕

鷓百舌戴勝蠟嘴黃雀

有蚕蜂蛾蜘蛛蝴蝶青蜓蝙蝠蠅蚊蟻蛇蝎蝟蛙蝸牛蟋蟀

蟋蟀蝸虎躄蠟蚰蜒土鼈蟬

植物產

有黍稷麩麥來麥苽麥穀梁芝麻菜子梳葛綠豆

黃豆青豆黑豆紅豆白豆扁豆

有李柰桃杏梨棗石榴櫻桃林禽花果青楊白楊柏榆

柳桑槐柘唐棣亦名杜棣椿香椿花椒荆檉杞柳

有芥藕山藥金針葱蒜韭茄芫荽茗蓮菘蔓菁瓠子

蒿苣苘蒿苦菜生菜菠菜葵辣蘿菔紅蘿菔葫蘆

蘑菇玉瓜西瓜東瓜南瓜絲瓜苦瓜甜瓜菜瓜地瓜長生果

朝城縣鄉土志

道路

由山東省至河南省大道自莘縣城南中心閣接入本境王家鋪十里至八里鋪又十里至城由城出西南十里邱家樓又十里韓張店七里王莊集入觀城界

由本境至曹州府路出城南十里十里坑又十里柿子園又十里郭灘集入觀城界

由本境至范縣路出城東南十里三義廟又十里馬老莊又四里岔樓入范縣界

由本境至壽張路出城東南十里張樓又十里狼集入壽張界

由本境至陽穀路出城東十里東孫莊又十里喻家樓入陽穀界

由本境至東昌府路出城北十里八里鋪又十里王家鋪又五里中心閣入莘縣界

由本境至臨清路出城北十里胡集又十里賈廟又十二里田集入莘縣界

由本境至冠縣路出城西北十里妹塚又十里山堂又十里程大營又十里張魯集又十里大王寨又十里觀上又十里大場集至冠縣界

由本境至大名府路出城西北十里董莊又十里長史又十里任屯至元城界

朝城縣鄉土志

商務

本境地非衝道地瘠民貧既無特產與特產之製造而外境之特產製造亦以難售而不來故本境消行於外境者以五穀草繅為大宗外境消行於本境者以棉花為大宗

本境消行本境之物

五穀每歲消行二十餘萬石

酒每歲消行一萬餘斤

長生果每歲消行三四十萬斤

白布每歲消行一萬餘丈

蜜蠟每歲消行三四百斤

外境消行本境之物

米麥除本境消行外多運至臨清消行北客亦來本境販運每歲消行二千餘石

草繅皆萊州屬大商設棧本境收買運至省城裝載火車運至青島每歲消行二千餘包

羊皮牛皮多臨清客來境販運山羊皮則本境人自行

有菊荷蜀葵玉簪夜合月季鷄冠金盞扁竹紫荊丁香
迎春本槿葦蘆蒲茅莎稗莠艾蒿苜蓿蒼俗名野
穆子
有地丁椶子薄荷紫蘇蒺藜茵陳葶藶公英澤蘭車
前華麻香附枸杞瓜蒌夏枯草益母草地錦草

動物製造

羊毛為氈為帽牛油為燭牛皮為鞣鞅鞞鞞等物碎皮
不成用者熬為膠蜂為蜜為蠟繭為絲為絞為帶

植物製造

黍稷為飴為酒高粱為醋芝蔴長生果黑黃豆為油為餅
綠豆為粉麵為粉條粉皮葦為蓆檉條為倉倉為倉杞柳
為筐屬物產自外運而為本境製造者棉花為布細麻為
繩索烟葉為烟絲

礦物製造

本境不出礦銅鐵錫皆自外境運入銅錫為飲食器為鑲
嵌器鐵為農器兵器釜鍋器



